

KASHMIR - SEPERTI GUNUNG BERAPI YANG AKAN MELETUS?

Berdirinya kerajaan adalah tarbiah daripada otak Putera Kashmir iaitu daripada fikiran Iqbal. Berdirinya kerajaan Pakistan itu bermakna melaksanakan kepapaan dan kehinaan di bawah pemerintahan Hindu dan Putera Kashmir berharap bahawa ia akan membawa kehidupan yang lebih mulia dan berkebesaran.

Sambungan majalah Qalam bilangan 18

Oleh Kapten Mas'ud

(4)

Rancangan mendirikan Pakistan itu adalah tumbuh dan zahir dalam otak Putera Kasmir yang cemerlang iaitu ahli falsafah dan syair yang masyhur – Allamah Iqbal.

Kepada orang-orang Kashmir, rancangan mendirikan Pakistan itu adalah bererti bebas daripada satu kurun lamanya hidup dalam kepapaan dan kehinaan di bawah pemerintahan Hindu; kepada suatu kehidupan yang mulia dan berkebesaran.

Oleh itu nampaklah kepada kita bahawa apabila Pakistan ditubuhkan dalam bulan Ogos tahun 1947 maka seluruh Kashmir telah berhari raya dan sukaria. Tiap-tiap sebuah rumah terang benderang dengan kesukaan dan doa selamat dan sembahyang kesyukuran telah diadakan di serata kampung dan ceruk rantau. Umat Kashmir tiada menaruh sebarang syak jua bahawa Kashmir akan bersatu dengan Pakistan. Kebanyakkan penduduknya orang-orang Islam dan perhubungannya rapat kepada Pakistan; dan inilah yang menjadi dasar pertimbangan untuk dijadikan lunas mengadakan garisan-garisan sempadan Maharaja Kashmir telah membuat suatu perjanjian dengan Pakistan dan segala-galanya adalah nampak menunjukkan bahawa negara itu pada akhirnya akan masuk ke dalam dominan Pakistan.

Tetapi dengan tersembunyi daripada mata umat negara itu angkara-angkara telah berlaku di Srinagar dan di Delhi dan pakatan-pakatan yang buruk adalah sedang menetas. Bekas Presiden

Kongres India Acharya Kripalani telah melawat Srinagar dan telah mengadakan beberapa perjumpaan dengan Maharaja kemudian diikuti pula oleh Tuan Gandhi sendiri dan ia tinggal di situ sebagai dif kepada Maharaja itu.

Maharaja hari siang belum pernah seperti itu pada masa yang lalu tunduk kepada tuan-tuan yang kuat dari Kongres itu. Dalam perjumpaan-perjumpaan itu adalah diputuskan bahawa maharaja-maharaja itu akan mengistiharkan masuknya negara itu ke dalam bahagian India apabila beberapa peraturan telah dijalankan.

Dua kepayahan yang besar adalah merintang: (1) India tidak akan dapat berhubungan dengan Kashmir jika garisan sempadan di Punjab digariskan mengikut letaknya umat di situ, (2) kandungan penduduk negeri dalam mana orang-orang Islam adalah sebilangan 77 orang tiap-tiap seratus.

Sebenarnya bahagian yang pertama itu tidaklah begitu sukar kepada India. Sir Cyril Radcliffe yang telah diberikan martabat yang tertinggi tentang amanah menjadi orang tengah di antara dua bangsa itu, telah menunjukkan sangat-sangat bertimbang rasa. Ia telah mengurniakan suatu pembahagian kecil dari daerah Ghur di Saphur dalam Punjabi yang berhubung rapat dengan Pakistan dan kebanyakannya penduduknya-penduduknya orang-orang Islam. Kerana apa pertimbangan begitu tiadalah kita tahu. Tiada syak lagi pertimbangan itu tidak secara keadilan atau sama rata. Demikian jua saya tidak dapat menyatakan apa bahagian yang diambil oleh Mountbatten dalam perkara itu. Adalah difikirkan oleh am bahawa “kepertuanan” itu bukan hanya seorang penonton yang tidak ada muslihat sama sekali. Mountbatten sangat-sangat tertarik kepada “kecantikan” Nehru hingga ia berbuah banyak perkara yang membahayakan maslahat-maslahat

Pakistan. Oleh sebab terlampaui banyak khidmatnya kepada India maka ia dipanggil oleh am dalam negeri itu sebagai “pendeta” Mountbatten.

Pemberian kepada India akan sekeping tanah yang disebutkan di atas itu telah membolehkan ia berhubung dengan Kashmir ikut darat dan dapatlah ia membuat jalanraya melalui bukit Jammu. Dengan jalan itu dapatlah pula ia mengangkut askar-askar senjata-senjatanya kemudian-kemudian perang di Kashmir. Dengan khidmat baik dari Radcliffe, maka halangan pertama yang besar masuknya ke Kashmir ke dalam India telah dipindahkan.

Bagi halangan yang kedua itu- iaitu bilangan banyak orang-orang Islam dalam Kashmir itu- maka dengan kaedah “yang senang dan berkesan, menghapuskan orang-orang Islam atau menghalau mereka ke Pakistan telah dirancangkan.

Kaedah itu telah sudah pun berjalan dalam lain-lain negara Hindu dan Sikh, seperti Patiala dan Kapurthala dan kaedah itu juga dipakai di Kashmir.

Tetapi di sini rancangan-rancangan mereka itu salah bawa. Maharaja dan penasihat-penasihatnya tidak memperdulikan kehendak dan kekuatan umat Kashmir untuk menentang dan melawan balik. Dan begitulah mulanya timbul kacau bilau dalam Kashmir itu.

Sebagai suatu langkah menjalankan rancangan mereka itu maka Maharaja Hari Singh menghantarkan soldadu-soldadu Dugra keseluruh negara. Soldadu-soldadu ini telah mula mengganggu penduduk-penduduk dengan serta merta kumpulan-kumpulan pembunuhan Ekali dan R.S.S yang dibawa masuk dari India telah memulakan berarak tunjuk perasaan dan berbaris hendak menakut orang-orang Islam. Ada juga kejayaan-kejayaan mereka. Dalam bulan September, sebulan lepas pernckerian itu telah tampaklah beberapa kumpulan kecil orang-orang



Tuan Abdul Rahman Ansari Menteri Pelajaran Pakistan sedang memberi ucapan di dalam istiadat meletakkan batu asas Kolej Sains yang ditubuhkan oleh Nyonya mendiang Presiden Roosevelt. Yang duduk dari kiri: Begum Fadlu Abdul Rahman, al-Hajj Khawajih Nazim Ad-Din Perdana Menteri Pakistan dan Nyonya Roosevelt. Dipenjuru sekali ialah Begum Liaquat Ali Khan Yang Dipertua Persekutuan-Persekutuan Perempuan Seluruh Pakistan. - (Gambar Khas Di Karachi 21.2.52).

Islam pindah dari Jammu menuju ke Pakistan. Dalam bulan Oktober dan November jentera pembunuhan itu telah berjalan dengan bermaharajalela. Beberapa orang pegawai Islam dalam pasukan polis telah diberi pencen, dibuang. Ditukarkan ke ujung-ujung negeri atau di penjara. Mata-mata dari orang-orang Islam dalam pasukan polis telah dilucutkan senjatanya. Kumpulan-kumpulan pembunuhan itupun apalagi mendapat kebebasan mereka. Polis Dugra itu pula memberi sokongan. Perburuan bertambah-tambah banyak berlaku dan orang-orang Islam bertambah banyak menyeberang sempadan masuk ke Pakistan. Sebilangan dua ratus ribu telah berpindah.

Berkenaan dengan hari siang, segalah-segalah baik sahaja di bahagian selatan negaranya.

Tetapi berkenaan Daerah-Daerah Barat seperti Marfur, Puncak Muzhaffar Ahad tidaklah boleh dikatakan begitu keadaanya. Di sini orang-orang Islam lebih keras keadaanya. Daerah ini telah memberikan 60,000 orang putramya kepada tentera Indiana

British dalam Perang Dunia yang Kedua. Keturunan daripada pahlawan-pahlawan tua itu maka orang-orang itu telah merasa berjuang di medan-medan perang Eropah, Afrika, Timur Tengah dan di dalam hutan rimba Burma dan Malaya. Mereka telah mengukir pedang dengan ahli-ahli perjuangan Jerman dan Jepun yang degil itu dan telah mendapat nama dalam perjuangan-perjuangan mereka. Soldadu-soldadu Maharaja itu tidak menakutkan mereka. Apabila mereka dapati Soldadu-soldadu Dugra itu terlampaui ganas dan mencabar maka mereka pun memberi keputusan bahawa masanya telah tiba bagi mereka mengangkat senjata bagi mempertahankan jiwa dan harta benda serta kehormatan perempuan-perempuan mereka.

Maka nampaklah kumpulan-kumpulan pertama dari Putera-putera Kashmir yang gagah perkasa itu merangkak-meranggak menyerang tempat tentera Dugra di Nilabat. Terasalah kegembiraan, kemegahan dan kesombongan di hati mereka hendak melepaskan bedilan yang pertama dalam perjuangan kerana kebebasan daripada desakan dan kezaliman yang sudah berkurun lamanya itu. Bertambah-tambah hampir mereka merapati soldadu-soldadu Dugra itu. Keadaan tabii adalah membantu mereka. Bumi Kashmir tahu akan putera-puteranya dan memberi mereka perlindungan dalam masa mereka meranggak rapat kepada tempat tentera Dugra itu. Sekarang tempat mangsa mereka sudah kelihatan. Pemimpin mereka yang muda remaja itu Abdul Qayyum, telah mengeluarkan perintah mata mereka yang sudah cekap itu meningin, badan mereka kejap, jari memegang lidah senapang, udara seolah-olah sunyi, pokok kayu seolah-olah membongkok memerhatikan, bintang di langit bersinar-sinar.

Tembak!! Bedilan-bedilan telah memecahkan keadaan senyap sunyi itu. Tembak! Kata pemerintah yang diberi bergema diseluruh lembahan itu. Tembak ! Tembak !! Tembak !!! seluruh daerah telah kelihatan bernyala-nyala seperti terbakar lakunya, api pemberontakan telah meletus di seluruh negara nyalanya menjulang menjilat-jilat tembok-tembok istana Maharaja itu di Srinagar. Pemerintah yang penakut itu lari ketakutan ke Selatan. Di sini dapat ia membela kekalahannya itu. Penduduk-penduduk Islam yang tiada bersenjata di sini telah sudah

pun dibunuh dan dihalau keluar. Dalam kemarahannya itu maka Maharaja itu sendiri telah kelihatan mengarahkan pembunuhan beramai-ramai itu. Dengan mengenderai kereta Jeep, dengan senjata Sten Gun di tangannya ia telah menembak orang-orang yang bertempiaran lari itu. Ia telah menghantar kawat minta bantuan kepada rakan-rakan di Delhi dan soldadu-soldadu Indian pun diterbangkan mengikut rancangan yang telah ditaja lebih dahulu, suguhpun kemenangan yang menghairankan dari ahli-ahli Hubbul Wathan itu telah memaksa mereka menjalankan langkahnya terdahulu sedikit daripada yang dijadualkan.

Nampaklah bahawa Maharaja itu berkehendakkan Kashmir masuk ke dalam India meskipun ini perjanjian yang tepat dengan Pakistan. Nampaklah bahawa Pendeta Jawahir Nehru telah menerima masuknya Kasmir kepada India dengan secara belit itu.

Bersambung



Sebahagian daripada wakil-wakil di dalam Muktamar Ulama'

*yang diadakan di Karachi pada 14 Februari 1952 tatkala
ziarah ke makam Quaid-e-Azam Muhammad Ali Jinnah. Nombor
dua dari kiri ialah Syed al-Arakin Ulama dari
Iran, Ayatollah al-Uzma (berserban putih) ulama
mazhab Syiah dari Iraq dan Al-Hajj Syeikh Muhammad Husain
dari Iran. (Gambar Khas dari Karachi 22.2.52)*